




ԲՈՎԱՆԴԱԿՈՒԹԻՒՆ

№ 2

«Աղբիւրի» գրականական տարած ՅԻՍՈՒՍԻ ՈՒՂԵԻՐՐՈՒԹԻՒՆԸ:

Սարեկ (բանաստեղծութիւն) Հասո:

Քէշ Կէ, քէշ Կէ (Հէքիաթ) (շար. և Վերջ) Ղ. Աղայեանց:

Փոքրիկ երաժիշտներ (պատկեր)

Նաւակ (բանաստ.) Ք. Թադէոսեան:

Մարտին Լուի-Եր (Թարգմ.) Փ. Վարդանեան:

Մենք բարե (Տէնիսընկ) (բանաստ.) Յ. Յովհաննիսեան:

Կոյրերի և խուռ համբերի կարեկիցները Ամբրոս:

Յուսահատ զարեւ հիւանդ (բանաստ.) Յակ. Ղազարեանց:

Մենքքէմ Գամաղացու պատմութիւնը Յ. Յովհաննիսեան:

ԳԻՏՈՒԹԻՒՆ

Ընտանեկան զրոյցներ, Աչք և տեսողական պատ-
րանքներ Խաչիկ:

ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Սառած լրագիր: Զրօրհնէք երեկոյն ընթրիք ծերունիների համար:
Գաւառական տպարաններ: Թէյի առևտուրը Զինաստանում: Լօնդօնի
մեծութիւնը:

ԱՅԼԵԻԱՅԼՔ

Մեծ տօնախմբութիւն:

ԶՈՒՍՐՃԱԼՔ

Հանելուկներ: Բերուտ: Շախմատ: Նախընթաց №-ի մէջ եղած խնդրի
և հանելուկների բացատրութիւնները:

ԵՐԿՐՈՐԴ ԲԱԺԻՆ

«Աղբիւրը» 1888 թուականում:

Հայր Ղևոնդ Արիշանի յօդուեանը:

ՄԱՏԵՆԱԽՍՍՈՒԹԻՒՆ

Նոր բանաստեղծ (շար. և Վերջ) Ս. Մանգինեան:

Խ Ա Ռ Ն Լ ՈՒՐ ԵՐ

«Աղբիւրի» նուէրներ. Սպառուած է: «Աղբիւրի» բաժանորդագրութիւնը. Վա-
ճառանոց. Մի հրաւեր. Արուծիւն և Մանուէլ. Պրէմիաներ. Գործակալ-աշխատակից-
ներ. Արտասահմանեան բաժանորդներ. «Տորք անգիլ և Հայկանուշ գեղեցիկ». Շահ-
մաթ. Նոր գրքեր. Մի նպաստ. «Աղբիւրի» լոյս տեսնելը. Մարկաներ. «Աղբիւրի»
Պատասխաններ: Յայտարարութիւններ:

ՍՊԱՌՈՒԱԾ Ի «ԱՂԲԻՐԻ» ՆԵՐԿԱՅ ՏԱՐՈՒԱՅ № 1-ը:

Հարունակվում է «Աղբիւրի» 1888 թ. բաժանորդագրութիւնը:
Նոր բաժանորդ գրողը սպառուած №-ի փոխարէն կրտսանայ կամ
50 կ. դրքեր մեր հրատարակութիւններից կամ թէ Լ ու տ ե Ր և
Մ ե ն ա ք է մ հրատարակութիւններից գրքերից մի-մի օրինակ:

«Աղբիւրի» պրէմիաները օտարերկրեայ բաժանորդներին արդէն
ուղարկուել է գործակալների միջոցով: Իսկ Թիֆլիսի այն բաժա-
նորդները, որոնք դեռ չեն ստացել, թող բարեհաճեն ներկայացնե-
լով իրանց անդորրագիրը խմբագրութեանս գրասենեակը («Աղբիւրի»
գրավաճառանոց) ստանալ:

«ԱՂԲԻՒՐԻ» ՎԱՃԱՌԱՆՈՅ

Թիֆլիս, Գօլօվինսկի պրուպ. տ. Միրզոեվի

Թիֆլիսում բացված է «Աղբիւրի» վաճառանոց, յատկապէս երեխաների, աշակերտների և ընտանիքների համար: «Աղբիւրի» վաճառանոցում ծախվում են մանկական գրքեր, պատկերներ, նկարներ, նստաներ, բազմատեսակ շքեղ իրեղէններ երեխաներին և աշակերտներին ընծայելու համար. դպրոցական և դասական հարուստ և բազմատեսակ պիտույքներ. տպվում են նոյն վաճառանոցում մօնօգրամներ (զարդարուն գլխատառեր նամակների ճակատներին): գրելու, փօստի և ՏՊԱՐԱՆԱԿԱՆ ամեն տեսակ ընտիր ԹՂԹԻ ՄԵԾ ՊԱՅԵՍ, որ կազմում է Ս. ՊԵՏԵՐՏՈՒՐԿԻ ՎԱՐԳՈՒՆԻՆ ԵՂԲԱՅՐԱՆԵՐԻ ՀՈՉԱԿԱՒՈՐ ԹՂԹԻ ԳՈՐԾԱՐԱՆԻ ԿՈՎԿԱՍԵՆՆԻՍԺԱՆՄՈՒՆՔԸ:

Վաճառանոցը ընդունում է Ռուսաստանում և արտասահմանում հրատարակուող մանկական թերթերի բաժանորդագրութիւն:

Վաճառանոցը կամենալով դիւրացնել գաւառաբնակ հեղինակներին, թարգմանիչների գործը, ընդունում է Թիֆլիսում տպագրել տալու նրանց աշխատութիւնները: Ընդունում է միջնորդ լինել և պատուիրել նրանց համար ամեն տեսակ պատկերներ, կիշաներ: Վարձու է տալիս «Աղբիւրի» ծաղկատառերից և նկարներից:—Վաճառանոցն ընդունում է կօմիսիայով ծախելու դանազան հրատարակութիւններ: Վաճառանոցում ղետեղուած է և «Աղբիւրի» խմբագրութեան գրասենեակը:

Վաճառանոցը յանձն է առնում գաւառական և գիւղական ուսումնարանների համար կազմել զրադարաններ, քիմիական լաբօրատօրիաներ, ֆիզիկական կաբինետներ, մանկական խաղեր և դպրոցական ու մանկական հասակի վերաբերեալ պարագաներ:

Վաճառանոցը ունի իւր սեպհական կազմարանը, պատրաստում է պատկերների համար ամեն տեսակ և գնանոց շրջանակներ: Պատուէրները կատարվում են ճշտութեամբ և անյապաղ:

Օտար քաղաքներից գիւմում են՝ Тифлисъ. Магазинъ Дѣтскаго журнала „Агбюръ“. Իսկ հեռագրով՝ Тифлисъ „Агбюръ“.

ՀԱՐՈՒՆԱՎՈՒՄ Է ՆԵՐԿԱՅ 1888 ԹՈՒՆԿԱՆԻ ԲԱԺԱՆՈՐԴԱԴՐՈՒԹԻՒՆԸ



ՄԻԱՄԱՍԵԱՅ ՊԱՏԿԵՐԱԶԱՐԴ ՀԱՆԳԻՍ

(ԵՐԵՒԱՆԵՐԻ ԵՒ ԴԱՍՏԻԱՐԱԿՆԵՐԻ ՀԱՄԱՐ)

Վ Ե Յ Ե Ր Ո Ր Դ Տ Ա Ր Ի

Տարէնը լոյս է տեսնում 12 համար, 3—4 տպագրական թերթից իւրաքանչիւր համարը:

Ներկայ 1888 թուականին դիտաւորութիւն կայ ընդարձակել «ԱՂԲԻՒՐԻ» բ. բաժինը, իսկ ա. բաժինը պիտի աշխատենք, պահպանելով ամսագրի բուն նպատակը և լուղութիւնը, դարձնել մի պատկերագարդ հանդէս փոխարինող շքեղ հրատարակութիւն:

«ԱՂԲԻՒՐԻ» 1888 թ. I. պրէմիան՝ ՅԻՄՈՒՍԻ ԾՆՈՒՆՂԸ ԵՒ ՄՈՂԵՐԻ ԵՐԿՐՊՈՒԴՈՒԹԻՒՆԸ պատկեր օլէօգրաֆիա, արդէն թէ Թիֆլիզում և թէ գլուխներում մի-մի օրինակ կան ՚ի ցոյց բաժանորդներին:

1888 «ԱՂԲԻՒՐԻ» բաժանորդ գրուողը հէնց իսկոյն կըստանայ այդ պրէմիան բաժանորդ գրուելուն պէս:

II. Պրէմիան՝ մի ԳԵՂԵՅԻԿ ԳԻՐԲ. Սա կուղարկուի բաժանորդներին Զատիկուայ №-ի հետ:

«ԱՂԲԻՒՐԻ» 1888 թ. III. պրէմիան՝ մեր տաղանդաւոր նկարիչ Գ. Բաշինջաղեանի յայտնի «ԱՂԹԱՄԱՐԱՅ ԾՈՎԱԿԸ» վիճակ կըզցուի «ԱՂԲԻՒՐԻ» բաժանորդներին մէջ սեպտեմբեր ամսին, ներկայութեամբ Թիֆլիզում գտնուող բաժանորդներին և հետաքրքրուողներին: «ԱՂԹԱՄԱՐԱՅ ԾՈՎԱԿԸ» տանող բաժանորդը, եթէ կամենայ, կարող է այն թողնել խմբագրութեանս և ստանալ 100 ռուբլի:

ԲՈՎԱՆԴԱՎՈՒԹԻՒՆ

ՄԱՍՆ ԱՌԱՋԻՆ

I) Վէպեր, մանրավէպեր, գրոյցներ, առակներ, հէքիաթներ, ճանապարհորդութիւններ, կենսագրութիւններ: II) Բանաստեղծութիւններ: III) Գիտութիւն և արուեստ: IV) Հետաքրքիր տեղեկութիւններ: V) Այլ և այլք:

Զ Ո Ւ Ս Ր Ճ Ա Լ Ի Ք

VI) Մանկական, ֆրեթէլեան, շախմատի և այլ խաղեր, Բերուսներ, Թուարանական խնդիրներ, Անեկդոտներ, Հանելուկներ, շուտասուտուկներ: VII) Նրգեր՝ ձախազրած (նօտանկերով):

ՄԱՍՆ ԵՐԿՐՈՐԴ

VIII) Կըթութեան և դաստիարակութեան վերաբերեալ յօդուածներ և տեղեկութիւններ: IX) Առաջարկութիւններ, խորհուրդներ: X) Մատենախօսութիւն և նոր գրքեր: XI) Խառն լուրեր: XII) Պատասխաններ. Յայտարարութիւններ:

«ԱՂԲԻՒՐԻ» տարեկան բաժանորդագիրն 3 ռ. է, պրէմիաների ծրարի համար պէտք է ուղարկել 3 հատ 7 կ. մարկաներ:

ԱՊԱՌԻՎ ՈՉ ՈՒՅՑ ԶԻ ԸՆԴՈՒՆՎՈՒՄ:

Հասցէն՝ Тифлисъ, Редакция «Агбюръ», իսկ արտասահմանից՝ Tiflis (Caucase) Rédaction de la Revue «AGBUR».

Խմբագիր-Հրատարակիչ՝ ՏԻԳՐԱՆ ՆԱԶԱՐԵԱՆ

ԱՂԲԻՐ

ՄԻԱՄՍԵԱՅ ԴԱՏԿԵՐԱԶԱՐԴ ՀՐԱՏԱՐԱԿՈՒԹԻՒՆ

ԵՐԵՐԱՆԵՐԻ

ԵՒ

ԴԱՍՏԻԱՐԱԿՆԵՐԻ ՀԱՄԱՐ

ՎԵՅԵՐՈՐԴ ՏԱՐԻ

№ 2

ՓԵՏՐՈՒԱՐ

ԹԻՖԼԻՉ

ՅՈՎՀԱՆՆԵՍ ՄԱՐՏԻՐՈՍԵԱՆՅԻ ՏՊԱՐԱՆ

ՕՐԵԷԼԵՆ ՓՈՂՈՑ, № 1/2

1888




«ԱՂԱՐԻՐԻ» ԳՐԱԿԱՆԱԿԱՆ ԱՂԲՈՄ

ՅԻՍՈՒՍԻ ՈՒՂԵՐՈՐՈՒԹԻՒՆԸ

Дозволено цензурою, Тифлисъ, 28 Января 1888 г.

Типографія И. Мартиросіанца, на Орб. ул., д. № 1 и 2

Ս Ե Ր Ե Կ



Է, սևուկ սարեկ,
Հուտով մեզ մօտ եկ,
Գեղգեղի՛ր դարուն
Այս մեր դաշտերուն:

Քո պէս-պէս գեղ-գեղ
Թող ամենայն տեղ
Լսելի լինի
Ամեն հողածնի:

Ծառեր, դալարիք,
Եւ գոյն-գոյն ծաղիկ
Աճեն թող շուտով
Գարնան ջինջ ցօղով:

Անտառ, այգեստան,
Պարտէզ, բուրաստան
Թող ականապարար
Փայլ տան բիւր հազար:

Ծաղիկ ծիրանին,
Սալոր և դեղձին
Բուրմունք, հոտ անուշ
Տան մարդուս կեանք յոյս:

Սիրունն սարեկ
Եկաւ ու բերեց
Պայծառ արեգակ
Եւ ջերմ եղանակ:

Հալեցին ձիւներ,
Բացուեցին դաշտեր,
Մարդիկ, անասուն
Սկսան գործել:

Դաշտ և ծառաստան
Ծաղկել սկսան.
Ծաղկանց բուրմունքով
Սրտերս լցուեցան:

Լցուած սրտերով
Աղօթենք Աստուծուն,
Որ ամեն տարի
Մեզ ղրկէ զարուն:

Թող պայծառ արև
Եւ կանաչ տերև
Մեզ կենդանութեան
Յոյս տան և բարև:

ՀԱՍՈ



Ք Ի Չ Է՛Լ, Ք Ի Չ Է՛Լ

(Հ Է Ք Ի Ա Թ)

5.



Ատո ցաւում է մարդ,
երբ որ մի բան է կորցնում,
թէկուզ այդ բանը շատ փոքր
լինի: Երեխան երբ որ երա-
զումը դանակ է գտնում և
միւս օրը տեսնում է, որ դը-
տած դանակը չըկայ, սկսում
է լաց լինիլ: Ուրեմն ինչքան
կըցաւէր Քաջիկը, որ ոչ թէ
երազումը դտած դանակ էր
կորցրել, այլ իւր շնորհքը,
իւր բոլոր ուսումը, այն էլ
այնպիսի ուսում, որ ոչ ոք
չըգիտէր բացի իրանից: Նա
շատ դարդ արաւ, և վերջը
մտածեց, որ գնայ Ուխտալի
կնոջ մօտ պատմէ եղելութիւ-
նը և նորից ձեռք բերէ իւր
գիտութիւնը: Այս մտքով ճա-
նապարհ ընկաւ դէպի Ուխտ-
ալի բնակարանը, բայց... էլ
ոչինչ չըկար... ամեն ինչ ցրն-
դել էր օդի մէջ. ոչ մի հետք,

ոչ մի նշան անգամ չէր մնացել: Քաջիկին թվում էր, թէ
ուրեմն ամեն ինչ երազումն էր տեսել, դանակ գտնող ե-

ընխայի նման, բայց չէ, նա աշկարա տեսնում էր իւր ալրուած կաշին, իւր չեչոտուած և ալլանգակուած կերպն ու կերպարանքը:

Այսպէս դարդ անելով՝ մեր Քաջիկը ճանապարհ ընկաւ դէպի ուրիշ երկիր, որ գուցէ կարողանայ մի նոր արհեստ սովորել և իւր ալրուած կաշին առողջացնել: Զատ գնաց թէ քիչ, Աստուած գիտէ, վերջը հասաւ մի ծովեզերեայ քաղաք: Այդ քաղաքումը նա լսեց, որ ծովումը մի կղզու վրայ մի երևելի բժիշկ է կենում և նա ամեն ցաւի դեղ գիտէ, ամեն ցաւ բժշկում է: Նա շաբաթէն երկու անգամ դուրս է գալիս իւր նաւակով և ամեն հիւանդի ասում է, թէ ինչով պիտի բժշկուի. շատ անգամ դեղերն էլ ինքն է տալիս և ոչինչ չի առնում ոչ դեղի և ոչ բժշկութեան համար:

Այս լուրը շատ ուրախացրեց Քաջիկին: Միւս օրը բժշկի դուրս գալու օրն էր: Քաջիկը զնաց ծովափ և միւս հիւանդների հետ կանգնեց: Անթիւ հիւանդներ կային ոչ միայն մօտիկ տեղերից, այլև շատ հեռաւոր երկիրներից: Զատերը մերձիմաս ընկած էին մահիճների մէջ, նրանց բերել էին պատգարակներով: Բժիշկը դուրս եկաւ ափը և ամենից առաջ դժուար հիւանդների մօտ գնաց, նրանց ամենքին էլ դեղ տալով, խոկոյն ոտքի կանդնեցրեց և մի քանի խորհուրդ տալով ճանապարհ ձգեց. պատգարակով բերածները վերադարձան իրանց ոտքով: Յետոյ մօտեցաւ աւելի թեթև հիւանդներին և որին դեղ տուաւ, որին խորհուրդ. ամենից վերջը մօտեցաւ Քաջիկին և ասաց. — Դու կրգաս ինձ հետ, քեզ ինձ մօտ կըբժշկեմ: Այս խօսքն այնպէս քաղցրութեամբ և մտերմաբար ասաց, որ կարծես նրա մօտիկ բարեկամը և ծանօթը լինէր: Քաջիկը բժշկի հետ նստեց նրա նաւակի մէջ և թիավարելով՝ զընացին բժշկի բնակարանը:

Բժշկի կղզին մի փոքր կղզի էր, և բացի իրանից

ոչ ոք չէր կենում այնտեղ: Նա էլ ունէր Ուխայի նման
 լաւ տուն ու տեղ, լաւ այգի, բայց բոլորն էլ Հասարակ,
 բնական, ինչպէս սովորաբար լինում են աշխարհի լաւ
 տներն ու այգիները. միայն աւելի գեղեցիկ, աւելի ճա-
 շակով էր շինուած: Նրա պարտիզի մէջ ամեն տեսակ խոտ
 ու ծաղիկ կար. այդ բոյսերը աճում, ծաղկում էին և ա-
 նուշահոտութեամբ լցնում ամբողջ պարտէզը: Նրանք ա-
 մենքն էլ պէտքական էին, ամեն մինը մի քանի ցաւի
 դեղ էր: Նրա տունը զարդարած էր գեղեցիկ կահ-կարա-
 սիքով: Մի մեծ սենեակ զրքերով էր լիքը. մի քանիսը՝
 հազար ու մէկ տեսակ բաներով: Այդտեղ կային զանա-
 զան հանքեր, չորցրած բոյսեր, հեղուկ և չորցրած դեղեր:

Բժիշկն սկսեց Քաջիկին հարց ու փորձ անել, և երբ
 որ իմացաւ նրա զլիւի անցքը, ասաց. — Ուրեմն դու կը
 մնաս ինձ մօտ, ես քեզ այն բաները կըսովորեցնեմ, ինչ
 որ վստիչ է մարդուն գիտենալ. քո առաջուան սովորածդ
 մի անբնական և ցնորական բան է եղել, և ցնորքի պէս
 էլ ցնդել է օդի մէջ: Ես քեզ կըսովորեցնեմ բժշ-
 կութիւն, բայց առաջ քեզ կըբժշկեմ, որ դու հաւատաս
 իմ դեղերի գորութեանը: Այս տառիւց յետոյ քաջիկին մեր-
 կայրեց և մի տեսակ իւր քոնց նրա բոլոր մարմնին և ե-
 րեսին: Միւս օրը մեր Քաջիկն այնպէս էր, ինչպէս մօրեց
 նոր ծնած. նա ոչ միայն բոլորովին լաւացաւ, առողջացաւ,
 այլ և աւելի թարմացաւ, դեղեցկացաւ, քան թէ առաջ էր:

Բժիշկը, որքան որ նշանաւոր բժիշկ էր, մի այնքան
 էլ շնորհալի դաստիարակ էր: Ինչ որ ուրիշը մի տարումը
 հաղիւ կարող էր սովորեցնել, նա մի քանի օրումն էր
 սովորեցնում: Քաջիկն էլ լաւ աշակերտ էր, և նրա ուշի-
 մութիւնն էր, որ զրաւում էր բժշկին, թէ ոչ՝ նա ի գուր
 տեղը իւր անցաւ գլուխը ցաւի մէջ չէր գցել: Տեսաւ որ
 մի շատ շնորհալի տղայ է Քաջիկը, ուզեց մի յիշատակ
 թողնել իրանից յետոյ, որ իւր տեղը բռնող մէկը լինի:

Քիչ ժամանակից յետոյ մեր Քաջիկը դարձաւ բժշկի քաջ օգնականը, և ամեն անգամ, երբ բժիշկը դուրս էր գալիս ցամաք հիւանդներին բժշկելու, Քաջիկին էլ հետն էր տանում, որ տեսնի, թէ ո՞ր տեսակ հիւանդին ինչ տեսակ դեղով է բժշկում: Գոռար հիւանդներին բերում էին կղզին և իրանց մօտ էին բժշկում: Դրանք այնպիսի հիւանդներ էին լինում, որոնց պէտք էր լինում վիրահատութիւն: Պատահում էր, որ շատերի փորը կտրում էին, ներսի վերքերը մաքրում, վրան դեղ ամուր, փորը նորմէկանց կարում, առողջացնում: Այսպէս անցաւ մի ժամանակ, շատն ու քիչն Աստուած գիտէ, և Քաջիկը շատ բան սովորեց, բայց որքան շատ սովորեց, այնքան շատացաւ սովորելու փափազը և նրան այնպէս էր թվում, թէ դեռ ոչինչ չըզիտէ, որովհետեւ սկսեց իմանալ, թէ ինչքան բաներ կան գիտենալու, որ ինքը դեռ չըզիտէ:

Բժիշկը որքան որ բարի մարդ էր և ամեն բան սովորեցնում էր Քաջիկին, բայց Քաջիկը կասկածում էր միշտ, թէ նա էլի շատ բան պիտի գիտենայ, բայց իրան չի յայտնում. ճշմարիտ որ բժիշկը շատ բան ծածկում էր նրանից և հէնց իւր անձը, իւր կեանքը, իւր ու լինելը նրանից ծածկած էր պահում, ոչ ոք չըզիտէր նրա ու լինելը: Նրա մի քանի սենեակները միշտ կողպուած էին, և Քաջիկը չըզիտէր ինչ կան նրանցում և ինչո՞ւ է ծածկած պահում: Քաջիկը իւր տարակոյսները չէր յայտնում վարպետին, բայց ինքն էլ չէր բաւականանում իւր սովորածով, միշտ փորձեր էր անում և շատ բժշկական գիւտեր էլ արաւ, որոնց մասին հաշիւ չէր տալիս իւր վարպետին: Վարժապետի ու աշակերտի այս անյարմար յարաբերութիւնը վերջ ստացաւ հետեւեալ դէպքով:

Մէկ անգամ մի հիւանդ բերին իրանց հետ կղզի: Բժիշկին այդ հիւանդին տարաւ մի ջուկ տուն, դուռը ներսից կողքեց, որ Քաջիկը ներս չըզնայ: Սրանով արդէն ե-

ըւսացրեց, որ շատ բան ծածկում է Քաջիկից: Քաջիկն այս տեսնելով, շատ նեղացաւ, բայց և ուղեց տեսնել, թէ ինչ է անում հիւանդին: Թաքուն բարձրացաւ տանիքի վրայ, նայեց լուսամտից և տեսաւ որ հիւանդի գլխի սկաւառակը վերցրել է, ուղեղի վրայ մի ինչ որ բոճ կայ, ուղում է մաշով վերցնել, բայց բոճը չանգերը մեկնում է ուղեղի փառի վրայ, բժիշկը լետ է քաշում մաշան: Յետ քաշելու պատճառն այն էր, որ բժիշկն ուղում էր բոճն այնպէս վերցնել, որ նա իւր չանգերով ուղեղի փառը չը պատուէ: Քաջիկը երբ որ տեսաւ, թէ շատ է չարհարվում բժիշկը, և հնար չունի անվնաս վերցնելու բոճը, էլ չըդիմացաւ և բղաւեց տան հերթիկից.

—Մաշան տաքացրո՛ւ, վնարպետ, մաշան տաքացրո՛ւ...

Այս որ լսեց բժիշկը, ունեւին (մաշան) դէն գցեց և դուրս եկաւ: Քաջիկն էլ տանիքից իջաւ և փախաւ, կարծելով, թէ վարպետը դուրս եկաւ որ բարկանայ վրան կամ ծեծէ: Մի ժամու չափ թաք կացած մնաց Քաջիկը, լետոյ կրկին սրտապնդեց և բարձրացաւ տանիքի վրայ, որ տեսնէ, ինչ արաւ վարպետը: Նայեց տեսաւ, որ վարպետը չըկայ, իսկ հիւանդը միւսնոյն դրութեան մէջ թրմրած ընկած է: Այս որ տեսաւ, իջաւ տանիքից և ներս գնաց, մաշան տաքացրեց և բոճի մէջքին դրաւ թէ չէ՝ բոճը չանգերը ներս քաշեց, կուչ եկաւ, և Քաջիկը վեր առաւ դէն ձգեց: Սկաւառակը դրաւ տեղը, դեղ քսեց, փաթաթեց, հոտ տուաւ հիւանդի քթին, և նա իսկոյն փռշտաց վեր կացաւ և ինքն իրան բոլորովին առողջ զգաց:

Հիւանդին բժշկելուց յետոյ՝ Քաջիկը գնաց իւր վարպետին փնտրելու: Զատ ման եկաւ, և ամբողջ կղզին տակն ու վրայ արաւ, բայց վարպետին չըգտաւ: Յետ դառնալիս Քաջիկը տեսաւ մի արձանի վրայ դրուած հետեւեալ ոտանաւորը—

Մարդս ինչքան էլ լինի գիտնական,
Նրա ուղեղը մազի է նման,
Մի չնչին բանից մազը կրկտրի,
Եւ իմաստունը կրդառնայ անբան:

Այս ոտանաւորը կարդալուց յետոյ, Քաջիկը մտածեց,
Թէ չըլինի՞ իւր վարպետը խելագարուել է և ինքն իրան
ծովն է ձգել: Եւ ով գիտէ, գուցէ հէնց այդպէս էլ էր:

6.

Բժշկի անյայտանալուց յետոյ Քաջիկն ընկաւ խոր
տխրութեան մէջ: Ի՞նչ չարաբախտ աշակերտ եմ ես, ա-
սում էր ինքն իրան. առաջին վարպետս կրակն ընկաւ,
սա էլ ընկաւ ջուրը, ով գիտէ ի՞նչպէս կըլինի իմ էլ վախ-
ճանս: Ես էլ մահկանացու եմ, ես էլ պէտք է մեռնիմ,
բայց ինձանից յետոյ՝ էլ ո՞վ կ'իմանայ, թէ ո՞ր ցաւն ի՞նչ-
պէս էին բժշկում: Եւ ի՞նչ հարկ կայ թաքցնելու: Պիտու-
թիւն թաքցնելը լաւ բան չէ: Արի ես աշակերտներ կը
հաւաքեմ ամեն երկրից և ամենքին էլ բժշկութիւն կը
սովորեցնեմ . . .

Ճշմարիտ որ՝ Քաջիկի ժամանակ ով որ մի օգտու-
կար բան գիտէր, ուրիշին չէր յայտնում, չէր սովորեցնում:
Ամեն մի բան գիտցող հայր իւր՝ որդուն էր սովորեցնում
իւր գիտցածը, նրան էր յայտնում իւր արհեստի գաղտ-
նիքը և այն էլ այն ժամանակ, երբ որ մեռնելիս էր լի-
նում: Յանկարծ մեռնողներն ու ժառանգ չունեցողները
իրանց գիտութիւնն էլ հետները տանում էին միւս աշ-
խարհք . . .

Քաջիկը մնաց նոյն կղզու վրայ և շարունակեց իւր
վարպետի գործը: Նա բաց արաւ կողքած սենեակները և
նրանցում գտաւ շատ բժշկարաններ և այն զրքերից սո-
վորեց բոլոր այն բաները, ինչ որ չէր սովորեցրել նրան
իւր վարպետը: Յետոյ իւր մօտ ժողովեց ամեն կողմից շատ

աշակերտներ և ամենքին էլ սովորեցրեց բժշկութեան արուեստը: Նրա աշակերտներն էլ աշակերտներ ունեցան և այսպէսով բժշկութեան արուեստը տարածուեցաւ ամեն տեղ: Քաջիկի աշակերտները ամեն տեղ գովում էին իրանց վարպետին և ասում էին, որ նա կարող է մեռածներին էլ կենդանութիւն տալ, բայց այդ բանը չի անում, որովհետեւ Աստուծոյ հրամանին ընդդէմ է համարում:

Ճշմարիտ որ Քաջիկը գտել էր և մեռածին կենդանութիւն տալու դեղը, բայց երկար ժամանակ դործ չէր դնում: Աերջը, ասած է՝ «Մեծ մարդիկների սխալն էլ մեծ կրկնի», նա սկսեց մի քանի փորձեր անել: Գրա համար բարկացաւ Գաբրիէլ հրեշտակը և մտքումը դրեց պատժել Քաջիկին:

Մէկ անգամ Քաջիկը ժողովեց իւր աշակերտներից աւելի հմուտներին և ասաց նրանց.— Ես շատ եմ ծերացել, էլ առաջուան ուժը չունիմ: Ուզում եմ վերանորոգուիլ, ջաշիւանալ, բայց առանց ձեր գնութեան կարող չեմ: Ես մի՛ դեղ կը խմեմ և կը թմրեմ կամ կը մեռնիմ. դուք կը կտրէք իմ փորս ու կուրծքս, այս ինչ դեղերով կը լուսնաք բոլոր փորոտիքս ու թոքերս, կը վերցնէք և գլխիս սկաւառակը, ուղեղիս խորշերը կը մաքրէք այս ինչ դեղերով և կը սրսկէք այս ինչ դեղերը, յետոյ կը միացնէք ամեն բան ինչպէս զիտէք: Երբ ամեն բան կը վերջացնէք, ահա այս շիշի դեղը կ'ածէք բերանս. սա մի կենարար հեղուկ է և իմ սեփական գիւտս է: Երբ որ կը կատարէք ճշտութեամբ բոլոր իմ ասածներս, ես կը յայտնեմ ձեզ այս հեղուկի ձեռք բերելու հնարը:

Աշակերտները պատրաստականութիւն յայտնեցին և պատրաստեցին իրանց վերահատուծեան սուր-սուր դանակները: Քաջիկը մի դեղ խմեց, թմրեց, աշակերտները ճարտարութեամբ կատարեցին ամեն բան: Մնաց վերջին կենարար հեղուկը, որ պիտի ածէին բերանը: Գաբրիէլ հր-

ընշտակը աներևութապէս կանգնած էր նրանց մօտ և նրանց արածը մի տեսակ օլինբաղութիւն համարելով ծիծաղում էր: Վերջին հեղուկը որ ուզեցան ածել Քաջիկի բերանը, հրեշտակը խփեց թևովը և շիշը վայր ընկաւ աշակերտի ձեռքիցը և բոլոր հեղուկը վայր թափուեց ցնդեց, մի կաթիլ միայն ընկաւ Քաջիկի բերանը: Այդ մի կաթիլը կէս շունչ և կէս կեանք տուաւ Քաջիկին, և նա կանչեց—

—Քիչ էլ, քիչ էլ . . .

Ուզում էր ասել «էլի մի քանի կաթիլ կաթեցրէք», չիմտնալով, թէ ինչ փորձանք է պտտահել շիշի գլխին:

Այսպէս ահա խեղճ Քաջիկը մինչև այսօր էլ կայ, ոչ մեռած է և ոչ կենդանի, և անդադար կանչում է—Քիչ էլ, քիչ էլ . . .

Այսպիսի մի վախճան է ունեցել և երևելի Դօխման հէքիմը: Նա էլ իւր կեանքի վերջումը Քաջիկի նման մի փորձ է արել և մինչև այսօր կանչում է բարակ ձայնով—*Քե՛ս ու՛զ... բե՛ս ու՛զ*: Բերանն այնքան բաց չի լինում, որ կարենայ ասել—*բի՛ր աղ, բի՛ր աղ*, որ նշանակում է՝ մի քիչ, մի քիչ, այսինքն մի քիչ էլ, մի քիչ էլ...

Բ Ա Յ Ա Թ Ի Ք

Հրեշտակ ջան, քիչ էլ, քիչ էլ,
Խնդրում եմ քիչ էլ, քիչ էլ,
Կեանքիս թելը մի կտրիլ,
Թող ապրիմ քիչ էլ, քիչ էլ . . .

Ասում եմ քիչ էլ, քիչ էլ
Խնդրում եմ, քիչ էլ, քիչ էլ:
Քաջիկի օրն եմ ընկել,
Կանչում եմ՝ քիչ էլ, քիչ էլ . . .

Ղ. ԱՂԱՅԵԱՆՑ



ՓԱՔԵԼԻ ԵՐԱԹԻՆՆԵՐ



Դ Ա Ի Ա Ա

ուում է ծովը. շրջում է քամին.

Ծովի անդունդից լեռներ են բուսնում,
իրար ընդհարվում, զարկվում զայրագին,
Փշրվում, նահանջում, նորից բարձրանում:

Ծփում է ալեաց մէջ մի փոքրիկ նաւակ,
նա մերթ բարձրանում, մերթ տակն է
իջնում.

Յուզուած, կատաղած ծովը անյատակ
Անպաշտպան նաւին կլանել է սպառնում:

Բայց նա պաշտպանվում, մաքառում է դեռ.

Դաւարվում է ծովն վիշապի նման.

Ամուր թիերի ուժգին հարուածներ

Դեռ դէմ են դնում ալեաց ընդհարման:

Հառաչեց քամին, ծովը փքուեցաւ.

Փշշան ալիքներ եկան կուտուեցան.

Ահա բարձրացաւ, անդունդ նետուեցաւ

Չարաբախտ նաւը փետուրի նման:

Բայց փրփուրի մէջ, ծովի երեսին

Կրկին երևաց նաւակը ահա.

Հարժվում են նորա թիերը ուժգին.—

—Մի՛թէ, ո՞վ Աստուած, փրկուելու չէ՞ նա:

Ք. ԹԱԴԵՈՍԵԱՆ

ՄԱՐՏԻՆ ԼՈՒԹԵՐ



2.

ն միջոցին Գերմանիայի մէջ ապ-
րում էին ասպետներ: Դրանք զը-
րահաւորուած էին վերտով, սաղաւարտով, պահպանակով.
ձի որ նստէին, կողքից սուսեր էին կապում, մի ձեռքով
վահան էին բռնում, միւսով՝ նիզակ: Ամեն մի ազնուա-
կան ասպետ դառնալիս ուխտ էր դնում եկեղեցին աւա-
ղակներից պաշտպանելու, Հեթանոսների դէմ պատերազ-
մելու, այրիներին և որբերին օգնելու:

Քանիցս անգամ ասպետները պատերազմով Երուսա-
ղէմ գնացին, որ Քրիստոսի գերեզմանը տաճիկների ձեռ-
քից ազատեն. բայց թոյլ գտնուելով՝ չկարացան տիրել
գերեզմանին:

Ասպետները բարձր պալատներ էին շինում սեպ ժայ-
ռերի վրայ և նստում էին աջնտեղ, ասես թէ բունի մէջ:
Այս պալատները շրջապատուած էին քարէ պարսպով և
բարձր աշտարակներով. պարիսպի չորս կողմը փոս էր անց-
նում, փոսի միջից՝ ջուր: Պատուհանների մէջ շինուած
էին երկաթէ վանդակներ, դռները փակվում էին երկա-
թէ նիզերով և պահպանվում առանձին զինուորներով:
Պարսպի վրայից, որքան էլ մարդուս աչքը զօրէր, բոլոր
դաշտը երևում էր: Պալատի մէջ մտնելու համար պէտք
էր, որ նախ փոսի վրայից շղթաներով կամուրջ ձգուէր:
Իսկ եթէ կամուրջը չըձգէին և սկսէին աշտարակից քար,
նետ, տէգ արձակել եկողի վրայ կամ հրացան պարպել և
ռումբեր պայթեցնել,—այն ժամանակ հնար չէր լինիլ
ներս մտնել՝ ոչ ձիով, ոչ ոտքով:

Այս տեսակ պալատները դղեակ էին կոչվում, և բոլոր Գերմանիան դրանցմով լիքն էր: Լեռան ոտորոտը, դղեակների ներքև զիւղեր էին նստած. այնտեղ ճորտերն էին ապրում: Ջատ և շատ ծանր էր այս ճորտերի կեանքը. նրանց խրճիթները փոքր էին, աղքատին. տաւարը—նիւկար, վտիտ, անզօր. աշխատանքը—ծանր, դժուար, բայց արդիւնքը ստիպուած էին ասպետներին տալ: Սրանից զատ՝ ճորտերը պարտական էին զինուորական պաշտօն վարել ասպետների ղօրքի մէջ, պատերազմ գնալ նրանց հրամանով և ամեն տեսակ ծառայութիւն կատարել:

Հաշտ կեանք չէին վարում այդ ասպետները, միշտ յարձակվում էին իրար վրայ, և նրանց անվերջ կռիւնքից շատ ժողովուրդ էր կորչում: Միայն տօն օրերին հանգիստ էին ճորտերը: Կիւրակէ եղածին պէս հագնում էին նոր շորեր և երեսաներին հետներն առած գնում էին եկեղեցի՝ պատարագ լսելու: Այնտեղ երգիւն էր հնչում, պատէրն երգում էր, զեղջուկները ծունր էին գնում և Աստուծոյ առջև աղօթում... Աղօթքը գերմաներէն էին ասում իրանց համար, իսկ պատարագը լատիներէն էր կատարվում: Ժողովուրդը բոլորովին չէր հասկանում այս լեզուն և պատարագը վերջանալուն պէս՝ գնում էր դէպի տուն, առանց բնաւ զիտենալու, թէ ինչ կարգաց պատէրն եկեղեցւոյ մէջ և կամ ո՞վ էր այն սուրբն, որին տօնեցին:

Բոլոր լատինական պատէրների և վարդապետների իշխանը պապն էր: Պապի աթոռը գտնվում էր Իտալիա, Հռոմի քաղաքի մէջ: Նա ունէր մի հոյակապ պալատ Վատիկան անունով, որի մէջ կար 11,000 սենեակ, և բրնակում էր այնտեղ իւր վարդապետների և սրանց փոքրաւորների հետ: Պապն ունէր սեփական զանձարան և առանձին պահապան զօրք. պատերազմում էր՝ ո՞ւմ հետ և կամենար, և կառավարում էր ամբողջ լատինական աշ-

խարհը, իբրև իսկական թագաւոր: Հագնում էր սպիտակ, երկար հանդերձ, ման էր գալիս միշտ վեց ոսկեսարք նը-
ժոյգ լծած շքեղ կառքով. ետեւից դնում էին երկու դա-
տարկ կառքեր, երկու կողմից՝ տասն վեց կառքինալներ
(եպիսկոպոսներ): Պապի մօտ միշտ գտանւում էին սպա-
ռազէն թիկնապահներ: Ո՛ր էլ գնար, ժողովուրդը ծունր
էր չոքում նրա առջև և համբուրում այնտեղն, ուր որ
ոտք էր դրել:

Պապն ոչ ոքին չէր ճանաչում իրանից բարձր և ա-
ւագ: «Նա Աստուծոյ փոխանորդն եմ», ասում էր. «Թա-
գաւորների թագաւորն եմ, ո՛ւմ ուզենամ՝ աթոռ կըտամ,
ունից ուզենամ՝ կրիւնեմ—չըկայ ինձանից բարձր իշխանու-
թիւն: Պետրոս առաքեալը մեռնելիս ինձ տուաւ արքա-
յութեան բանալին և ինձ կարգեց Քրիստոսի փոխանորդ.
ես կարող եմ կապել և լուծել մեղքերը, իմ մէջ է բնա-
կում Աստուծոյ ողին, ես ազատ եմ մեղքերից և անսխա-
լական եմ»:—Ժողովուրդը հաւատում էր նրան և պաշ-
տում էր սուրբի տեղ:

Բոլոր լատինական եկեղեցիներն և վանքերը պապի
իշխանութեան տակ էին: Հռոմից պապը կոնգակներ էր
առաքում բովանդակ աշխարհի լատինական վիճակներին:
Այսպիսի մի հրովարտակ կոչւում էր բ ու լ լ ա: Բուլլա-
ներով ծանուցւում էր աշխարհին պապի ողորմութիւնը
կամ բարկութիւնը: Ով որ պապին հաճելի չէր, պապը նը-
րան բանադրում էր և մերժում եկեղեցուց: Բանադրուած
մարդուն սուրբ հաղորդ չէին տալիս, ժամ մտնել արգե-
լում էին:

Երբեմն պապը զայրանում էր այո կամ այն թագա-
ւորի վրայ և բանադրանք էր առաքւում թէ նրան և
թէ բոլոր հպատակներին: Այն ժամանակ վանքերն և ե-
կեղեցիները փակւում էին, պատէրները ժամ ասելուց դա-
դարում էին. ոչ մի տեղ զանգահարութիւն չէր լսւում,

պատարագ, պսակ, կնուճք, չէր լինում, մեռելներին թաղում էին առանց աղօթքի և բոլոր ժողովուրդը մնում էր մեծ վշտի և տառապանքի մէջ: Բանադրուած թաղաւորից ամենքը հրաժարվում էին թէ՛ ազգականները, թէ՛ բարեկամները և թէ՛ ամբողջ ազգը: Նրանից փախչում էին, ասես թէ ժանտախտից. քիչ է, որ հպստակներն այլ ևս չէին հնազանդում նրան, այլ դեռ հալածում էին, վախենալով, որ իրանք էլ պապի նզովքի տակ չընկնէին: Զօրեղ և ազգու էր պապի խօսքն և նա միայն կարող էր յետ առնել այդ խօսքը, ուրիշները—ոչ: Թաղաւորներն երկնչում էին պատերազմել պապի հետ և ամեն կերպով աշխատում էին իւր կամքը կատարել:

Մի անգամ մի գերմանական թաղաւոր պապի հրամանը չըկատարեց, պապը նրան բանադրեց: Թաղաւորն էլ բարկացաւ և կամենում էր զօրքով պապի վրայ գնալ. բայց զօրքն ընդդիմացաւ և չուկեց պատերազմել պապի դէմ: Թաղաւորը տեսնելով, որ բանը վատ է, վճռեց ներողութիւն խնդրել պապից: Իսկ պապն ասաց. «Յառաջ քան թէ քեզ ներէի, պէտք է որ ինձ մօտ գտաւ և իբրեւ ապաշխարող յանցաւոր՝ առջևս խոնարհես»: Թաղաւորը զնայ բոբիկ ոտքերով, զլիաբաց, մի շապիկով, մէջքին պարտն կապած, և այսպէս երեք օր, երեք գիշեր ներողութիւն խնդրելով կանգնեցաւ պապի պատուհանի տակ, —և միայն չորրորդ օրը պապն արձակեց նրան բանադրանքից:

Վիճակներն և ծուխերը պապը բաժանում էր, ինչպէս և կամենար: Ամեն մի վիճակ և ծուխ առանձին գին ունէր. մեծի համար առնում էր մեծ դումար, փոքրի համար—փոքր: Գալիս էր պապի կամ նրա ձեռնասուն եպիսկոպոսի մօտ մի խեղճ պատէր և ասում էր. «Սրբազան հայր, չքաւոր եմ, չեմ կարող ընտանիքս կերակրել—տո՛ւր ինձ մի առաւել մեծ ծուխ»: —«Բայց որ

քան կրվճարես», հարցնում էր իսկոյն եպիսկոպոսը:—«Աղ-
քատ մարդ եմ, սրբազան. հարկւր մանէթ կրտամ, աւե-
լի չունիմ», ասում էր պատէրը: Իսկ եպիսկոպոսը. «Միւսն
ինձ աւելի խոստացաւ, նա էլ կրտանայ ծուխը»:

Պապի հրամանով մեղքերի քաւութիւնն էլ վաճառ-
վում էր, իբրեւ մի ապարանք: Օրինակի համար, եթէ
վարդապետի մօտ մի մեղաւոր գար և ասէր. «Այս ինչ
բանով մեղանջել եմ, հայր սուրբ, տո՛ւր ինձ թողութիւն»,
վարդապետը կասէր. «Մեղքիդ համար այսքան պիտի վը-
ճարես»: Մեղաւորն էլ փողը տալիս էր և ստանում էր
վարդապետից մի թուղթ, որի վրայ գրուած էր—«Քա-
ւուած են այս ինչ ծառայի մեղքերը»: Այնուհետև մեղա-
ւորը հեռանում էր և սկսում էր նորից մարդ խաբել և
գողութիւն անել, որովհետև հաւաստի էր, թէ կարելի
էր միւս անգամ էլ քաւութիւն գնել:

Ամեն մի մեղքի համար առանձին դին էր նշանա-
կուած: Եկեղեցւոյ կողոպտութեան համար գրուած էր 9
ոսկի, սպանութեան համար՝ 7, կախարդութեան համար՝
6, հայրասպանութեան և մայրասպանութեան համար՝
չորս-չորս ոսկի: Փողով կարելի էր բոլոր ապառնի մեղքե-
րի համար առաջուց մի քաւութեան թուղթ գնել: Այս
տեսակ զրեւը կոչվում էին ինդուլգենցիա. զրանց
վաճառումից զոյացած արդիւնքի կէսը առաքւում էր պա-
պին, կէսն էլ մնում էր վարդապետների մօտ:


Փ. ՎԱՐԴԱՆԵԱՆ

(Կր շարունակուի)





(Տ է ն ի ս ը ն ի ց)



աղպաջուն առուակ, սահիր "դէպի ծով,
Հանդարտ զլորիւր ալիքըդ վճիտ.

Ել այցելութեան՝ խռոված Հողով
Ես չեմ գալ երբէք սիրուն ափերիդ:

Սահիր մարգերով և հովիտներով,
Դարձիր, սիրելի, յորդառատ մի գետ.
Ել չես տեսնելու ինձ յուղուած սրտով,—
Ո՛հ, մնաս բարեւ, ընկեր իմ, յաւէտ:

Վերագ խոնարհած կողբայ ուռենին,
Կըլտուի այստեղ շրշիւնը բարդու,
Մեղուն կըճախրէ քո կանաչ ափին.
Բայց դու ինձ երբէք էլ չես տեսնելու:

Ոսկի շողերը դարնան արևի
Ալիքներիդ հետ ուրախ կրիսողան,
Լուսինը քեզ հաշտ գուցէ դեռ ժպտի,—
Բայց էլ չես տեսնիլ դու ինձ յաւիտեան:

Յ. ՅՈՎԱՆՆԻՍԵԱՆ

Մտկուա. 18 դեկտ. 1887.

ԿՈՅՐԵՐԻ ԵՒ ԽՈՒԼ ՈՒ ՀԱՄԱՐԵՐԻ

Կ Ա Ր Ե Կ Ի Յ Ն Ե Ր Ը



ընթէ մեաժամանակ աբբաա Լէսէի Հետ, Գերմանիայում Կենում էր մի մարդ, որ մի և նոյն բարե նպատակին հասնելու համար գործ դրաւ ոչ սակաւ աշխատանք և եռանդ:

Գերմանական Հաուցշլետց անունով փոքրիկ գիւղում, Վելսեն-իիւս քաղաքի մօտ, Սաալ գետի վրայ, կար մի լաւ շինած գիւղական տուն, որ պատկանում էր

Հէյնիկէ գիւղացուն: Մաքուր ընդարձակ բակ, ամրակուռ շինութիւններ, գեր ընտանի կենդանիներ, բազմաթիւ շող հաւեր, բադեր, սագեր և այլն, ցոյց էին տալիս, որ ձերունի Հէյնիկէն էր ամենահարուստ գիւղացիներէն մէկը այդ կողմերում: Բայց չընայած այդ ամենին՝ բաւական չէր իւր կենցաղից նրա մեակ որդին, Սամուէլը, քաջառողջ, զուարթ քսանամեայ երիտասարդը: Խնդիրն այն է, որ Սամուէլը սէր ունէր զրքերի, ուսման, երաժշտութեան և պատրաստ էր դրանց համար մոռանալ ամեն ինչ աշխարհիս երեսին: Ծերունի Հէյնիկէն կարծեքով դրանք տղայական փափագներ էին, իսկ նրա որդին պարտաւոր է լինել ամենից սուռջ լաւ աշխատաւոր, որ կարողանար պահպանել հայրենական կարողութիւնը, որ ձեռք էր բերուած շատ աշխատութիւնով և զրկանքներ կրելով: Խիստ ծերունին իսպառ դէմ էր որդուն քննադատութեամբ պարապելուն. նա խլեց նրա ձեռքից ամեն զրքեր, բացի Աստուածաշնչից և աղօթագրքից:

Մեծ դժուարութիւնով Սամուէլը կարողացաւ թոյլ-

տութիւն տունել հօրեց, որ ջութակի դասեր տունէ իւր պապից: Նրխտասարդը ամենայն ոյժով աշխատում էր և ամեն բանի մէջ հնադանգում էր հօրը: Հէնց մի ժուկ ժամանակ էր գտնում գիւղացին աշխատութիւններից հանգչելու համար, նա իսկոյն թաք էր կենում մի թփի կամ մի դէզի ետև և խորասուզւում էր ընթերցանութեան մէջ:

Այդ եղանակով Սամուէլը կեանք էր վարում, մինչև որ դարձաւ քսան և երկու տարեկան. այն ժամանակ մի գեղեցիկ օր, հայրը կանչեց նրան իւր մօտ և յայտնեց որ հասել է ժամանակը նրան պսակելու. թէ հարսնացուն արդէն ընտրուած է իրանց հարեանի աղջիկը: Հօր այդ վճիռը սարսափեցրեց որդուն և նա պաշտում էր հօրը՝ յետաձգել այդ մտադրութիւնը, ասելով որ ինքը գեռ նախապատրաստուած չէ ընտանեկան կեանքի համար և որ դրացու աղջիկը նրա սրտովը չէ:

Հայրը բարկացաւ, ոչինչ չէր ուզում լսել. նա ասում էր, որ ինչպէս ինքն է ամուսնացել իւր հօր կամքով, այնպէս էլ որդին պիտի ամուսնանայ: Սամուէլը ուրիշ ելք չըգտնելով այդ դրութիւնից, գիշերով փախաւ՝ Դրէգդէն հուշակաւոր քաղաքը և մտաւ գննուորական ծառայութիւն: Զօրանոցում ծառայութիւնից ազատ ժամերում նա պարտպում էր աւելի եռանդով. նա սխեց սովորել ֆրանսերէն և լատիներէն լեզուները. այդպիսի ինքնակրթութիւնով նա հասաւ այն աստիճանի զարգացման, որ հնար ունեցաւ սիլլընական գրագիտութեան դասեր տալ մանուկներին. շուտով նա համբաւ ստացաւ ինչպէս լաւ պարագող ուսուցիչ: Այդ ամենից յետոյ, վերջապէս նա հաշտուեց հօրը հետ, մի քանի ժամանակ նըրա մահուանից առաջ և ամուսնացաւ իւր համակրած աղջկայ հետ:

1775 թւին Սամուէլը Հէյնիկէի մօտ և թիւս այլ երեսաների բերին մի խուլ ու համր մանուկ, որ ընդունակ տըղայ էր երևում և շատ հետաքրքրեց ուսուցչին. Հէյնիկէն մինչև այդ ժամանակ ոչինչ հասկացողութիւն չունէր խուլ ու համրերին ուսուցանելու հնարների մասին. ամեն ինչ նա պիտի անէր իւր սեպհական խելքով. այսու ամենայնիւ մանուկը նրա ձեռքի տակ շուտով զարմանալի յառաջադիմութիւն արաւ, որ հրաշք էր համարւում տեսնողների համար: Գրելը շատ հեշտ էր չափողւում նրան, բայց Հէյնիկէն աւելի

ուրախ էր նրա ցոյց տալով յառաջադիմութեանը խնայա-
 նութեան մէջ, այդ յոյս էր տալիս, որ մանուկն ծառաոր զար-
 գացումը շատ առաջ կարելէ էր տանել: Սակայն նա դու-
 նով չէր բաւականանում, այլ կամենում էր, ինչ որ էլ չըլնէ,
 որ խել տանը ոչ մնայն մեմիկայով—շարժուածքներով—կամ
 գլով բացատրէ խոր մտաքը, այլ և քիլանայի:



Ահա այդ էր գլխաւոր տարբերութենը Հէյնսկէն աշ-
 խատութեան Աբրաա Լէպէի որդեւնէութիւնից: Նւ լկրակն,
 մէ քանի ժամանակեց յետոյ երեսան դկտելով ուղիշներն քե-
 րանն բուրիքը աղտատանած՝ մկծոցն, լնգն ևս դկտելով
 ըմբռնում էր նրանց աղտատանած ձայները և նոյն ձևով քա-

ւական որոշ կերպով ճայներ և բառեր էր արտասանում, մանաւանդ լաւ յաջողութեամբ էին ճայնաւոր տառերը. նա համարեաւ կարողացաւ վերջապէս բոլոր տառերը հնչեցնել տալ նրան:

Այս դբադմունքներով այն աստիճան գրաւեցին Հէյնիկէն ուշք ու միտքը, որ նա թողեց զինուորական ծառայութիւնը և անձնատուր եղաւ ուսուցչական ասպարեզին:

Սակայն յանկարծ բացվում է պատերազմ, նա պարտակտն էր իսկոյն ամեն բան թողնել և գնալ կռուի:

Եօթնամեայ պատերազմը շատ վատաբախտ եղաւ սաքսոնցիներին համար, որոնց զօրքն շարքումն էր և Հէյնիկէն:

Այդ հերեք չէր, Հէյնիկէն գերի բռնուեցաւ և զընտանեստեց բերդի մէջ: Հէյնիկէն ամեն հնարք գործ դրաւ և մի կերպ փախաւ բերդից և թաքնուեցաւ իւր կնոջ մօտ: Երբ զինուորական հետախուզութիւնները նրան փնտրելու համար մի քիչ հանդարտեցին, նա իւր կնոջ հետ խոյս տուաւ գնաց Ի ե ն քաղաքը, որ ունէր հռչակաւոր համալսարան: Այդտեղ նա յաճախում էր համալսարան, դասեր լսելու, մի և նոյն ժամանակ դասեր էր տալիս օրական ապրուստ հայթայթելու համար, որին աշխատակցում էր կենը՝ կար անելով:

Ձընայելով որ Հէյնիկէն գործերը աշտեղ յաջող էին, բայց նրա գլխին գալիք փորձութիւնները երևի դեռ չէին վերջացել. վասն զի սրուսացի հասախուզիչները գտան Հէյնիկէն հետքը և նա մազապուրծ փախուստ տուաւ Համբուրգ քաղաքը: Այս քաղաքում բախտը նրան ժպտաց, նա կրկին վերանորոգեց իւր աշխատութիւնները, ունեցաւ մի ընտիր շրջան բանիմաց ծանօթներին, որոնք համակրում և քաջալերում էին նրան, և որոնց միջնորդութիւնով նա նշանակուեց ուսուցիչ Էպպենդօրֆ գիւղում, որ Համբուրգի շրջականերումն էր:

Շուտով նա դարձեալ ունեցաւ մի խուլ ու համր աշակերտ, որ երկու տարուց յետոյ միւս մանուկների հետ հաւասարապէս քննութիւն տուաւ ոչ միայն գրաւոր կերպով, այլև բերանացի: Այս հանգամանքը մեծ աղմուկ հանեց և նրա թշնամի գիւղի քահանան սկսեց քարոզել, որ Հէյնիկէն աստուածամարտ է, և այլն, սակայն, ի հարկէ, նրան լսող չեղաւ: Համբաւը այս նոր բարի և աստուածահաճոյ գործի մասին շուտով ամեն կողմ տարածուեց և շատ ուսումնական ու

բարձրաստիճան մարդիկ գալիս էին նրան այցելու և շնորհակալություններ ցայտնում: Հէյնիկէն մօտ այնքան խուլ ու համբուստ փութեց, որ նրա դպրոցը եղաւ յատկապէս կտրծիս դըրանց համար բողոսած:

Տասը տարե շարունակ նա այդ կերպով քրտնաթոր աշխատեց:



Մի անգամ դրա մօտ եկաւ մի սաքսոնցի սպայ այցելութեան և լեմոնալով որ Հէյնիկէն իւր հայրենակցն է, և լսելով նրա տարագրութեան վշտակեց պատմութիւնը և նրա ջերմ ցանկութիւնը վերադառնալ հայրենիք և նրա օգտին գործելու խօստացաւ փութով միջնորդել՝ նրան թող տալու համար վերադառնալիս հայրենիք: Յերբան շուտով Սաքսոնիայի կառավարութիւնը լուծում տուաւ նրան գալ բնակիւ Լէյպ-

ցիկ, ուր նա առաջին անգամ ապրիլի 13-ին, 1778 թւին բացաւ խուլ ու համբերի համար դարոց: Սաքսոնիայի թագաւորը արքունի ծախսով ապահովեց նրա դարոցի գոյութիւնը:

Տասներկու տարի էլ Հէյնիկէն գործեց Լայպցիհում և կնքեց իւր բազմարդէն մահկանացուն ապրիլի 30-ին 1790 թւին: Նրա ձգած բարի սերմը աճեց և բազմացաւ. այժմ չըկայ որ և է շատ ու քիչ մեծ եւրոպական քաղաք, ուր չը լինի խուլ ու համբերին յատկացեալ դարոց:

Ծանօթացնելով խուլ ու համբերի բարեբաւերների հետ մենք հետեւեալը կըգտնենք հարցնելու—Թէ ո՞ր եղաւ առաջին հիմք գցողը կոյրերի խղճալի վիճակը բարւոքելու համար. ո՞վ էր որ հնար տուաւ մշտնջենական խաւարի մէջ խորասուզուած մանուկներին կարգաւ, գրել, դանադոն արհեստներ սովորել և իրանց ձեռքի աշխատութիւնով հայթայթել մի կտոր հաց:

Մինչև տասն և ութ դարը մենք գրեթէ ոչ մի տեղ չենք հանդիպում լուրջ միջոցների, որ ձեռնադրուած լինէին կոյրերի դրութիւնը թելթեացնելու. միայն 1771 թւին, մի պատահական հանգամանք ծնեց առաջին անգամ այդ միտքը մի մարդի մէջ, որին վիճադրուած էր լինել կոյրերի բարի հրեշտակը:

Այդ տարին մի մառախուղոտ օր, Փարիզի, փողոցներով գնում էր մի երիտասարդ. յանկարծ նրա դէմն ելաւ մի խաժամուժ ամբոխ, որ մի ղրինետան առաջ հաւանքուած լսում էր մի խաչտառով երաժշտութիւն. երաժիշտների խումբը կազմուած էր տասը կոյր անձերից. դրանցից մէկը շրջում էր ամբոխի մէջ և փող էր հաւաքում. զարմանալին այն էր որ նա շօշափելով ճանաչում էր բոլոր ձգած դրամների որքանութիւնը: Նրիտասարդը, որ գիտում էր այս խղճալի տեսարանը, էր Վալենտին Գէյ — թարգման սլաշտօնեայ ծովային նախարարութեան, անգամ Փարիզի հնագիտական ընկերութեան: Վալենտինը այդ դէպքից յետոյ մտմտաց ինքն իրան և ասաց, եթէ դրամի վրայի դուրս պրծած տառերը կոյրը ճանաչում է, ուրեմն կարելի է դուրս պրծած տառերով կոյրերին կարգաւ սովորեցնել և նպաստել նրանց մտաւոր զարգացմանը. Նրկար ժամանակ մտածելով այդ մտքին, նա վերջապէս սկսեց փորձեր անել: Ճարեց մի կոյր աշակերտ, որի

Հետ սկսեց պարապել իւր գլխում կազմած ծրագրի համեմատ. կարճ միջոցում աշակերտի արած յառաջագիւմութիւնը գերազանցեց իւր սպասածը, այնպէս որ նա լճուհի մի գեկուցում անել այդ մասին գիտութեանց ճեմարանում: Այդ գեկուցումը այն աստիճան հետաքրքրութիւն շարժեց, որ ազգային լուսաւորութեան նախարարութիւնը հարցաքննութիւն կատարեց, որի հետեւանքը ամենափառաւոր կերպով ապացուցեց Վալենտինի սկսած գործի մեծութիւնը և մարդկութեան համար ունեցած մեծ նշանակութիւնը: Շուտով մի բարեգործական ընկերութեան միջոցով բացուեցաւ առաջին դպրոցը կոյրերի համար 14 սանիկով: 1785 թւին նշանակուած էր հրապարակական քննութիւն ի ներկայութեան ազգային ճեմարանի անդամների: Քննութիւնները արդիւնքը ամենքին պատճառեց մեծ հիացում և ցնծութիւն:

Դրանից յետոյ արդէն հիմնուեցաւ Փարիզում մի ապաստանարան, ուր չաճախում էին 140 սանիկ. նրանց սովորեցնում էին գրագիտութիւն դուրս ցըցուած տառերով. իրանք կոյրերը հէնց սովորել էին պատրաստել կարդալու այդպիսի գրքեր և ձայնագրութեան մատեաններ. նոյն կերպով սովորում էին թուաբանութիւն, աշխարհագրութիւն, ուսուցիչ թուանշաններով. քարտէզները ևս շինած էին կորնթիկ սարերով և այլն: Բացի դրանից կոյրերը սովորում էին գործել թելերից կամ ձիւղտներից զանազան իրեղէններ, որոնց վաճառումից գոյացած դրամը ծածկում էր ապաստանարանի ծախսի մեծ մասը: Շուտով այդօրինակ հիմնարկութիւններ հիմնուեցան Եւրոպայի ամեն տէրութիւններում, որոնց ամեն մինը անշուշտ մի պանծալի արձան է մարդկութեան մեծ բարերար Վալենտին Գէյլին:

ԱՄԲՐՈՍ



Յ Ո Ւ Ս Ա Ն Ա Տ



ՂԱՐԻՔ ՀԻՒԱՆԴ

Ող ինձ, Տէր իմ, Տէր-Բարերար,
Բնւ է տանջուիմ ես չարաչար.
Բաւ է որքան ցաւեր ու վիշտ,
Սուգ, տրտմութիւն կրեմ ես միշտ.

Հեռու ծնող—սիրելիքից,
Եւ անուշիկ Հայրենիքից.
Այստեղ ընկած օտար, անտէր,
Որպէս թռչուն մի բնաւէր . . .

Չըկայ մէկը ինձ ցաւակից,
Որ լինէր սրտով կարեկից. . .
Չունիմ այստեղ՝ գէթ մի ընկեր,
Որով ցրուէր այս իմ վշտեր:

Փակուած Հիւանդ մի նկուղում,
Նստած սև օրերս եմ ողբում.
Բայց ինձ ոչ ոք լսող չըկայ,
Ո՛չ ոք դուռս բացող չըկայ . . .

Էլ յոյս չունիմ, Տէր Բարերար,
Դու Էս յոյսս, Դո՛ւ մինուճար,
Կամ Հողիս ան,—լաւ է կեանքից,
Կամ աղատիր այս տանջանքից...

ՅԱԿ. ՂԱԶԱՐԵԱՆՅ

ՄԵՆԱՔԷՄ ԳԱՄԱՂԱՅՈՒ

ՊԱՏՄՈՒԹԻՒՆԸ



(ՎԼ. Կօրօլէնկոյից)

յսպէս բազմանում էր տառապանքը, բայց չափը դեռ չէր լրացել:

Որովհետեւ Ալբինոսի տեղ նշանակուած Գեսսիոս Փլորը ցոյց տուեց որ իւր համեմատութեամբ Ալբինոսն էլ կարող էր հեզարարոյ կուսակալ համարուիլ:

Մինչդեռ Ալբինոսը իւր չարութիւններէ շատը կատարում էր թաքուն ու ծածկելով, Փլորը պաճենում էր իւր ժողովրդին հասցրած զրկանքներովը, նմանելով Ներոնին:

Ողորմածութեան գործերում նա տմարդի էր, իսկ նշաւակութեան գործերը անպատիժ թողնելով, ինքը այդ գործերի առաջին և ամենաանամօթ սկզբնապատճառը և հովանաւորն էր հանդիսանում:

Այսպէս աճում էր բռնութեան ծառը թուլութեան հողի վրայ և գոռոզութիւնը խոնարհութեան հողի վրայ: Եւ ժողովուրդը յոյս ու ելք չունէր, որովհետեւ արդարադատութեան աղբիւրները խափանուած էին:

*
* *

Բաղարջակերաց տօնին Երուսաղէմ եկաւ Ասորոց կուսակալ Կեստիոս գալլիացին, որ հզօր էր հռովմէացոյց մէջ: Այն ժամանակ հրէաների բոլոր բազմութիւնը, կառավար-

չին շրջապատած, աղաղակով (ողբալով) գանդատվում էին Փլորի Հասցրած նեղութիւնները վրայ և արդարադատութիւն ու պաշտպանութիւն էին խնդրում: Եւ Կեստիոսը կանգնած էր բարձրութեան վրայ ժողովրդի մէջ, որ ձեռները մեկնում էր դէպի նա, և մտածում էր:

Նա դաժան զինուոր էր և չէր վախում մահից, բայց իւր տէրերի բարկութիւնից վախենում էր: Նրա սրտի բաբախումը չէր արագանում կուռի մէջ, բայց անսիրելութեան աչքի առաջ դողում էր նրա սիրտը: Որովհետեւ այսպէս են բռնութեան ծառայողների սրտերը:

Եւ Կեստիոսը միտք արեց. եթէ ես սրանց պաշտպանութիւն անեմ, կարող եմ Ներոնի աչքիցն ընկնել, որովհետեւ Փլորը ոյժ ունի արքունի դրանը, իսկ Ներոնը ինքն էլ է արիւնքառու: Իսկ եթէ չըպաշտպանեմ, ժողովրդի Համբերութիւնը չափիցն անց կրկենայ և նա կապտումբուռի: Այն ժամանակ արիւնհեղութիւն կըլինի, և ես ստիպուած կըլինիմ իմ լեզուները Հանել նրանց դէմ: Լաւը այս է:

Եւ մինչդեռ նա այսպէս մտածում էր, ժողովուրդը ձեռները մեկնում էր դէպի նա, իսկ Փլորը նրա կողքին կանգնած աշկարա ծիծաղում էր ժողովրդի աղաղակի և յուսոյ վրայ: Որովհետեւ գիտէր որ արդարադատութիւն չեն գտնի:

Հանգարտացնելով հրէաների աղաղակները, Կեստիոսը կեղծաւորութեամբ ասաց նրանց, որ միամիտ լինին, որովհետեւ նա գիտէ որ Փլորը պիտի ողորմի ժողովրդին:

Իսկ արդարադատութեան մասին ոչ մի խօսք չասած Հեռացաւ, և Փլորը զնաց նրա Հիտ որ ուղեկցէ մինչև իսկ Կեսարիա, իւր սէրը ցոյց տալու Համար կուսակալին, որ պահպանեց իւր բարեկամութիւնը նրա Հետ:

Սրանից յետոյ ուղարկեց Երուսաղէմ իւր զինուորներին և հրամայեց, որ տասնեօթ տաղանդ վեր առնեն տա-

ճարի գանձիցը, որ պահվում էր Անտոնիոսի տնուած աշտարակումը:

Այսպէս Ֆլորը ձեռը սրբութիւնի միտեց, ձգտելով զըլխովին կողոպտել տաճարը և բոլոր ժողովրդին:

*
* *

Հռովմայեցոց մէջ կար Աւլոս Կատուլլոս անունով մի Հաղարապետ: Սա ալևոր զինուոր էր, յիշում էր արի և բարեմիտ Հրամանատարների ժամանակները... Ֆլորի միտքը իմանալով, նա ձայն բարձրացրեց լէգէոնների առաջ և առաջ:

—Յիշում ես արդեօք, Գեստիոս Ֆլոր, ինչո՞ւ ես դու այս աշխարհը ուղարկուած: Նրա՞ Համար արդեօք որ նեղես ժողովրդին և ինքզ անչափ Հարստանաս, թէ՞, ընդհակառակը—որ իմաստուն կառավարութեամբ պահպանես կայսերութեան միութիւնը: Իսկ երբ նեղուած ժողովուրդը ապստամբուի, և նրանից յետոյ ասպստամբուին ուրիշները,—լինջ պատասխան կրտաս ծերակոյտի առաջ:

Բայց Ֆլորը, արբած շահասիրութիւնիցն ու արհամարանքիցը դէպի Հրէաները, ծիծաղում էր Աւլոս Կատուլլոսի խօսքերի վրայ և ասում էր.

—Ես ճանաչում եմ Հրէաներին: Այս ողորմելի անգղը պիտի յանգնի մեր՝ քաջ Հռովմայեցիներիս գէմ: Ո՛հ, սրտնք չեն կարող դրդուել Հռովմէական պետութիւնը. իսկ մենք քաջերս Հեշտութեամբ աւար ձեռք կըբերենք: Հրէաները վախկոտ են և անմիաբան ձեռնարկութիւնների մէջ: Եթէ ապստամբուին էլ, Հեշտ չաղթութեան Հետ մենք մեծ շահ կըստանանք և արդէն առանց երկիւղ ու նեղու կայսրիցն ու ծերակոյտիցը: Իսկ եթէ ամեն բանի Համբերեն մեծ խոնարհութեամբ, մենք առանց զժաւարութեան ձեռք կըձգենք տաճարի դանձր և Հարստացած Հայրենիք կըղաւնանք, նոր լէգէոնների Համար տեղ բաց անելով Հեշտութեամբ Հարստանալու: Որովհետև շահը վի-

ճակուած է քաջերին, իսկ խոնարհներին վիճակուած է ուրիշների համար աշխատել... Այսպէս են մտածում բոլոր քաջերը, իսկ դու; Կատուլլոս, փոքրագի ես: Եւ այս պատճառով դու արժանի չես մարդկանց հրամայելու, այլ պէտք է հասարակ զինուորների շարքումը կանգնես, իսկ ուրիշները կառաջնորդեն լէգէոնները դէպի հարստութիւն:

Այն ժամանակ հռովմայեցոց բազմութեան մէջ բարձրաձայն աղաղակներ լսուեցան:

Եւ թէպէտ կալին Կատուլլոսին սիրող և նրա համախոհ զինուորներ, բայց այդպէսները քիչ էին, և սրա համար չէին համարձակում հակառակել: Եւ Կատուլլոսը հանեց հրամանատարի զրահները և հասարակ զինուորների շարքումը կանգնեց:

* * *

Իսկ Երուսաղէմում ժողովրդի մէջ նայնպէս մեծ շրփոթ ընկաւ: Անհամաձայն լինելով միմեանց հետ, մարդիկ շատ հակառակում ու վիճում էին: Ոմանք ձայները բարձրացնելով ասում էին.

—Մինչև երբ պիտի ղլմանանք մարդկանց բռնութեանը և սրբութեան անարդանքին: Թէ՛ չէք տեսնում, ո՛ւր է տանում Ֆլորին շահամուլթիւնը և չար սիրտը... Նա կանգ չի առնիլ, մինչև չըյափշտակէ սրբութիւնը, իսկ յափշտակելուց յետոյ նորանոր բռնութիւնների ղիմելու ցանկութիւնը կըյղանայ: Որովհետև ինչպէս լէգէոնները կանգնած են դրօշի շուրջը, այնպէս մեր ազգը՝ սրբութեան շուրջը: Եւ եթէ թշնամին դրօշը յափշտակէ, լէգէոնը յաղթվում է և թշնամին ջարդում է փախչողներին հեշտութեամբ: Այնպէս էլ Ֆլորը կասէ ինքն իրան. եթէ չըկարողացաւ այս ազգը պաշտպանել իւր սրբութիւնը, էլ ի՞նչ բանի պիտի ղլմադրէ այսուհետև և ի՞նչ պիտի չըկարողանամ նրան անել: Միթէ մենք այս ենք ցան.

կանում: Միթէ ցանկանում ենք որ լէգէօնների զինուոր-
ները՝ աւարով ծանրաբեռնուած, հայրենիք վերադառնա-
լով, ասեն իրանց ընկերներին. «Գնացէ՛ք Հրէաստան, ո-
րովհետեւ այնտեղ ժողովուրդը փոքրոգի է, և զինուորին
վտանգ չէ սպառնում կռուի մէջ, այլ միայն զուարճու-
թիւններ են սպասում. հրէաները չեն պաշտպանում մի-
մեանց, այլ հայրերը խոնարհութեամբ բերում են իրանց
դեռահաս աղջիկներին զինուորների առագաստը»:

Եւ այսպէս խօսելով վառում էին ժողովրդի մէջ ա-
պրտամբութեան զգացմունքներ և շատերն ասում էին.
Աւելի լաւ է մեռնել Անտոնիոսի շէմքումը սրբութեան և
պատուի պաշտպանութեան համար: Փլորը սուր է կամե-
նում, սուր կունենայ: Մենք կայսրից արդարադատութիւն
չենք տեսնում, թող ուրեմն մարտը կառավարող Աստուա-
ծը դատէ մեզ Փլորի հետ»:

Յ. ՅՈՎՀԱՆՆԻՍԵԱՆ

(Կը շարունակուի)





ԸՆՏԱՆԵԿԱՆ ԶՐՈՅՑՆԵՐ

(Դիտանդէկց)



ԱԶՔ ԵՒ ՏԵՍՈՂԱԿԱՆ ՊԱՏՐԱՆՔՆԵՐ.

Եւտեղ ղետեղուած նկարներէց № 1-ը է Համակենտրոնական մի շրջանակ, եթէ այդ նկարը մենք սկսենք պտտել Հէնց մեր ձեռքի միջոցով,



(№ 1)

կրնկատենք որ, Համակեղրոնական այդ շրջանակն էլ կը թուայ թէ նոյն ուղղութիւնով սլտտում է իւր կեդրոնի կամ առանցքի շուրջը: № 2 նկարը ընդհակառակն, եթէ սկսենք պտուտ տալ, մեզ նոյնպէս կըթուայ թէ նրանք Լս պտուտ են զայլս ինքնաբերական մեր պրտրտած թղթի կամ գրքի Հակառակ ուղղութիւնով. այդ



(№ 2)

վոձը Հէնց արէք «Աղբիւրի» վրայ:

Ելի դարձեալ կրկին տեսէք թէ ինչեր են նկատած աչքի մասին. եթէ յառած աչքերով երկար ժամանակ նայէք ջրվէժին Լ յանկարծակի ձեր Հայացքը դարձնէք շրջակայ ժայռերին, ձեզ այնպէս կերևայ թէ, ժայռերը շարժողութեան մէջ են, միայն՝ ներքեւից վերև:

Երկաթուղով ճանապարհորդելիս, եթէ գնացքի արագ ընթացքի ժամամակ նայէք ետքը մնացող դիւղի վրայ, դուք կընկատէք որ, հեռացող առարկաները հետզհետէ մանրանում են նրանց վրայ յառած աչքերով նայող տեսութեան համար. այդ դրուժիւնում եթէ յանկարծ դարձնէք ձեր աչքերը վազօնի ներսը, ձեզ այնպէս կերևայ թէ այնտեղի առարկաները և մարդիկը ընդհակառակը մօտենում են և խոշորանում:

Տեսողութեան ընդունած



(№ 3)


տպաւորութեան երկար-տեւութեան հիման վրայ հիմնուած է հետեւեալ փորձը. եթէ երկար նայէք № 3 սպիտակ նկարի ներսի սև բծին, ապա աչքներդ դարձնէք առաստաղին, մի քանի վայրկեանից այնտեղ կընկատէք նոյն կերպարանքը ընդհակառակը սև դոյնով և սպիտակ բիծով: Այդ փորձը աւելի յաջող է դուրս դալիս՝ եթէ պայծառ լուսաւորուած սենեակում կատարուի:

Այնպէս բողբոջա-տեսողական պատգոյններ կարելի է յառաջացնել հայելիների միջոցով. այն հայելիները, որոնք ունին կիսաբոլորակ կամ դուրս պըր-

ծած մակերևույթ, շատ փոփոխում են առարկայի կերպարանքը, կարելի է դուրծ ածել և սիւնակաձև շինած հայելի. օրինակ նայեցէք № 4 նկարի վրայ, որ ցոյց է տըրուած թէ ինչպէս մի անձուսի պատկեր՝ կատարեալ ձեռնաձուլի կերպարանք է երևցնում սիւնակ-հայելիի մէջ:

Այդ տեսակ խաղերից ամենից՝ նշանաւորն է «կը տըրած դը ու խը, որ խօսում է», տես պատկեր № 5 որ իւր ժամանակին մեծ աղմուկ հանեց միամիտ ամբոխի մէջ: Հանդիսականին այնպէս է թւում թէ սեղանի

տակը դատարկ է. որ դա մի եռոտանի սեղան է, վրան մի պնակ, մէջը դրած է մի «կտրած» գլուխ, որ խօսում է: Բոլոր գաղտնիքը նրանումն է, որ մի քիչ թեք կերպով սեղանի ոտերի մէջ դրած է երկու հայելի դէպի աջ և ձախ պատը. այդ երկու հայելիների մէջ տեղն է տեղաւորուած մարդը. եթէ մէկը պատահմամբ մի քար ձգէր սեղանի ոտերի տակ, հայելիները կըփշրուէին




(№ 4)

և գաղտնիքը մերկացած կըներկայանար հանդիսականներին:

Այսքանով բաւականացէք, սիրելի ընթերցողներ, ուշքի մասին, դուք ունիք դեռ ուրիշ շատ աւիթներ հարուստ, օգտակար և հետաքրքրական տեղեկութիւններ առնելու: Սրանով վերջացաւ այն քաղուածքը, որ անում էինք մի տարի շարունակ Դիսանդէի բազմաշխատ հեղինակի դրքից:

Այս գրուցատրութիւններում մենք ի հարկէ յաջորդաբար յայտնի խնդիրներ չունէինք դրած բնական պատ-

լուծուճից. որանք հատրճսիր տեղեկութիւններ էլն, ունիք իրնպատեն առանձին սիրով և հռանդով սկսել և հետեւի բնական պատմութեան դասերին դպրոցում: Պարտք կայ ամեն աշակերտի վրայ, որ ողջածի և խի՛ կարգացել է և սլաուել է «բնտանեկան դրոյշմերկց», յորդոր



(XV)

լինի իւր նոր սկսող բնկերներին և մտանցոյց անի նրանց «Ազբիւրի» այն համարներն վրայ, որոնց մէջ արդարուել են մեր այս նախապատրաստական յօդուածները բնական գիտութեան համար:

ԽԱՅԻՒ

ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Սառած լրագիր.—Պարմա քաղաքի «Պրեզինտո» լրագիրը տպել է այս օրերս խաշոր տառերով հետեւեալ ազդը լրագրի առաջին երեսում. «Սատիկ ցրտերի պատճառով մեր լրագիրը վաղը լոյս չի տնանիլ. ե՞նչ արտաքոյ կարգի լուրեր լինին, մենք կը հրատարակենք առանձին թերթ ստիպողական հարկի պատճառով»:

Ջրօրհնէնք երեկոյն ընթերեք ծերունիներէ համար.—Յնպիսկան Լէյկստեր քաղաքում, հազորում են լրագիրները, Կուպեր տոհմանունով ընտանիքը ռոխրութիւն ունի Քրիստոսի Ծննդեան նախընթաց երեկոյն ընթերեքի ճրարիւր քաղաքի այն բոլոր ծերունիներին, որոնց տարիքը 70-ից վեր է: Այս տարուայ այդ միջոցին Կուպերի ընտանիքում մասնակցում էին 2050 ծերունիներ, որոնք ամեն էլ ստացան բարի տանտէրից ընծաներ եւ նշանակ ի յիշատակ Վիկտորիա թագուհու յիսնամեակի:

Անցեալ տարուայ ընթերեքին մասնակցող ծերունիներից տարուայ ընթացքում վախճանուել էին 344 անձ:

Գաւառական տպարաններ.—Բացի Թիֆլիսից կան արւարաններ եւ մեր միւս գաւառական քաղաքներում. տպարաններից ամենից նշանաւորն է Շու-

շի քաղաքինը. այդտեղ կայ երեք արաղատիպ մեքենայ եւ վեց ծեփի մամուլ. Հայերէն լեզուով ամենից շատ գրքեր են լոյս տեսնում Շուշի: Շուշիում տպարանական գործը գոյութիւն ունի 1830 թուականից:

Թէյի առևտուրը Չինաստանում.—Լրագիրները հազորում են, որ Թէյի արտահանութիւնը այժմ ընկած է Չինաստանում, վասն-զի չինացիք, ոչ կանոնաւոր չորացնել գիտեն եւ ոչ արկղներում պիրի ամրացնել, այնպէս որ դրանց Թէյի արօմատը իսպառ կորչում է ճանապարհին: Ընդհակառակը օր օրի վրայ յառաջադիմում է Արեւելեան Հընդիկաստանի եւ Յէյլօն կղզու Թէյը, որ կարգին չորացնուած եղանակով դարստուելով յարմար արկղներում, շատ առաւել գերազանց է չինականից:

Լօնդօնի մեծութիւնը.—Ներկայումս Լօնդօնը բնում է 1200 քառակուսի վերստ տարածութիւն. իւրաքանչիւր չորս բուպէում այնտեղ ծնւում է մի հոգի. իւրաքանչիւր վեց բուպէում այնտեղ մեռնում է մէկը. իւրաքանչիւր օր 205 մարդ է աւելանում. իսկ ամեն տարի 75,000 մարդ: Լօնդօնի փողոցների երկարութիւնն է 10,500 վերստ. ամեն տարի աւելանում է 45 վերստ երկարութիւնով փողոցներ եւ 9000 տուն. ամեն օր Լօնդօնի նաւահանգստում կանդնած է յիսում 1000 նաւ:



ՄԵՆ ՏՕՆԱԽՄԲՈՒԹԻՒՆ՝

նչպէս անցեալ անգամ ևս լիշած էինք, այս տարուայ յունուարի 1-ին կատարուեց աշխարհախումբ Հանդէսով Լևոն ժԳ պապի լիսնամեակը այնպիսի փառաւոր շքեղութեամբ, որի նման ոչ տեսնուած և ոչ լսուած է երկրադնդիս ամենահզօր աշխարհակալների մայրաքաղաքներում: Այդ մեծ տօնախմբութեանը մասնակցեցին ոչ միայն կաթողիկէ քրիստոնեաները, այլ և միւս դաւանութիւնների պետերը, նոյն իսկ մահմեդական և հեթանոս ցեղերի թաղաւորները և իշխանները. դրանք ամենքը իրանց յատուկ դեսպանութիւններով ներկայացրին Նորին Սրբութեան իրանց շնորհաւորանքը և մեծագին, ճարտարարուեստ ընծաները:

Լևոն ժԳ եօթանասուն եօթը տարեկան է. Չ՛ տարեկան հասակում ձեռնադրուեց քահանայ. ընտրուեց պապ 1878-ին. իւր նախկին անունն էր Գօն-Յովակիմ-Պէդչի: Լևոն ժԳ յայտնի է իւր լրջութեամբ, ունի մեծանձնական բնաւորութիւն, մեղմական հաստատամտութիւն. սա միշտ աշխատում էր իւր անձի վրայ փայլեցնել իւր բարձր կրօնական աստիճանին պատշաճ առաքինութիւններ, բայց դարձեալ իւր գործելու կէտ-նպատակին էր վերադարձնել իւր աշխարհական իշխանութիւնը, որ Աւետարանի բուն հոգոյն հակառակ է, վասն զի մի կրօնաւոր պիտի լինի միայն հոգեւոր հովիւ:



ՀԱՆԵԼ ՈՒԿՆԵՐ


Առաջար. Բ. Մ.

Եթեր տառից երեք վանկ եմ.
Վեց զատ բառեր իմ մէջ ունեմ.
Առաջի երեք տառը թէ առնես,
Մի ծառատունկ տեղ կըգտնես.
Իսկ եթէ կարդաս վերջին չորս տառ,
Վատ մարդկանց արժան է կասես.
Վերջին վանկը թէ ձախ կարդաս,
Հրամայական բայ կուսնես.
Իսկ թէ նոյն վանկի ձայնաւորն
Առաջ դնես, այնպէս կարդաս,
Յորեն ցանելու տեղ կուսնես.
Եթէ սկզբից բաց թողնես
Երեք տառը դու չըկարդաս,
Վերջին տառն էլ չըհնչես,
Մի նահապետ կըմտաբերես.
Բայց թէ ամբողջը դու կարդաս,
Մեծ ցեղի նախահայր կըյլիշես:
Դէհ, սիրելիս թէ որ գտնես,
Կասեմ որ դու հմուտ, քաջ ես:

Մութը պատուհան
Մէջն աւետարան:

Ր Ե Ր Ո Ւ Ս

Առաջ. Արտաշէս Ջիւեանց.



Այս բերուած ԱՌԱՋԻՆ ՎՃՈՊՂՐ կըստանայ **10,000** հատ
ՓՈՍՏԻ ՄԱՐԿԱՆԵՐ զանազան երկիրներէ:

ՀԱՐԱՐ

Ով որ սկսում է շախմատ խաղալ սովորել, նա պիտի հաստատ կերպով սովորէ շախմատի տախտակի քառակուսիների դրութիւնը, նշանակութիւնը և անուանակոչութիւնը, ինչպէս նշանակուած է այս աղիւսակի վերայ, որին եթէ ուշադրութիւն դարձնուի, առանց որ և է դժուարութեան կարելի է ուսումնասիրել:


8	ա8	բ8	գ8	դ8	ե8	շ8	է8	ւ8
7	ա7	բ7	գ7	դ7	ե7	շ7	է7	ւ7
6	ա6	բ6	գ6	դ6	ե6	շ6	է6	ւ6
5	ա5	բ5	գ5	դ5	ե5	շ5	է5	ւ5
4	ա4	բ4	գ4	դ4	ե4	շ4	է4	ւ4
3	ա3	բ3	գ3	դ3	ե3	շ3	է3	ւ3
2	ա2	բ2	գ2	դ2	ե2	շ2	է2	ւ2
1	ա1	բ1	գ1	դ1	ե1	շ1	է1	ւ1

ա բ գ դ ե շ է լ

Այս քառակուսիները վերից վար նշանակուած են այլուրբենով, իսկ ձախից աջ ուղղութեամբ թուահամարներով 1—8. այդպիսով իւրաքանչիւր քառակուսին ունի իրան միայն յատուկ տառի և թուահամարի նշանակ. նոտր տառերով տպած նշանակները սև քառակուսիներինն են:

Ճախմատի տախտակը այնպէս է դրվում երկու խաղացողների մէջ, որ իւրաքանչիւրի աջ կողմից՝ անկիւնի քառակուսին լինի սպիտակը:

Բոլոր ֆիգուրները բաժանվում են երկու կարգի, որոնց ընդհանուր անունն է զինուորներ և սպաներ. սպաները մի քանի տեսակ են, որոնց անունները լիշել ենք անցեալ անգամ: Արդ, ֆիգուրների այդ երկու խումբը պէտք է դասաւորել այսպէս. իւրաքանչիւր խաղացող դնում է իրան մերձաւոր առաջին հորիզոնական շերտի քառակուսիներէ վրայ սպաների խումբը, իսկ երկրորդ հորիզոնական շարքի վրայ պէտք է դասաւորել զինուորներին: Երկու անկիւնային քառակուսիներում պէտք է դնել երկու աշտարակները, սրանց կողքին երկու ձիերը, որոնց մօտ էլ դնում են երկու սպաներին (կամ փղերին): Մնացած երկու քառակուսիները պատկանում են Թագուհուն և



Թագաւորին. միայն պէտք է ի նկատի ունենալ, որ սև Թագուհին պիտի դրուի սև քառակուսու վրայ, իսկ սպիտակ Թագուհին սպիտակ քառակուսու վրայ: Այդ նկարագրած դասաւորութիւնը կարող էք ուսումնասիրել այս պատկերի վրայ:

(Կըշարունակուի)



№ 1-ի ԽՆԴՐԻ ԵՒ ՀԱՆՆԵԼՈՒԿՆԵՐԻ ԲԱՅԱՏՐՈՒԹԻՆՆԵՐԸ.

Խնդրի բացատրութիւնը

«. Շուգեկառքը վերցնելով իրան հետ երկու վագոն մըտնում է անցքի մէջ, Բ-ն առաջ գնալով և կալցնում է իրան յետև «-ի ունեցած» երկու վագոն և յետ է քաշվում. յետոյ դուրս է գալիս «-ն և կրկին վերցնելով մնացած 18 վագոնից երկուսը մտնում է անցքի մէջ, Բ-ն կրկին առաջ է գնում և վերցնում է կրկին այն երկու վագոնն էլ իրան յետևից այսպէս շարունակ մինչև որ «-ի բոլոր 20 վագոնը կըսչի Բ-ի վագոններն յետև: Յետոյ «-ն դուրս է գալիս անցքից և վերցնելով իւր 20 վագոնը գնում է նոյն ուղղութիւնով, ինչ ուղղութիւնով որ առաջ էր գնում և ի հարկէ Բ-ն էլ կըրկին իրան ուղղութիւնով:

Հանելուկների բացատրութիւնը

1.

Մագերն են ջըչան.	Դիրք ունի և ձև:
Ճակատն է մէյդան.	Բերանն է մարագ.
Սոքա երկուքը	Ատամն՝ ուրագ.
Մէկ-մէկու տակ կան.	Քթի տակ բերան,
Որոնցից ներքև՝	Բերնի մէջ ատամ՝
Քիթն է ալիներև	Են շարան-շարան:
Որ զուեռի նման	

2.

Գիտեցած բանդ՝ որ միաւլանկ է,
Հաջոց ոստիկան՝ կաշմի անունն է.
Եթէ այդ անունն հակառակ կարդաս՝
Պատուական «Մշակ» բառը կըստանաս.
Մշակ գեւղացի՝ պարզ, աշխատասէր,
«Մշակ» լրագիր՝ յամառ գրասէր.
Միաժամանակ երկուքն էլ պէտք են,
Մէկը հողերիդ իսկ միւսը՝ մտքիդ
Ճարտար Մշակն են:

ՀԱՍՍ

Խմբագիր-հրատարակիչ՝ ՏԻԳՐԱՆ ՆԱԶԱՐԵԱՆ